

Uunga siunnersuut:

**Nuup kiisalu Qasigiannuguit Aasiaallu pilersorneqarnerannut erngup nukinganik
nukissiorfinnik taakkununngalu atatillugu atortunik sanaartornermut,
anigaasalersuinermit ingerlatsinermullu killiliussatut atugassarititaasut pillugit
Inatsisartut inatsisaat nr. 22, 1. december 2021-mersup allanngortinneqarnissaa pillugu
Inatsisartut inatsisaat nr. xx, xx. xxx 2022-meersoq**

§ 1

Nuup kiisalu Qasigiannuguit Aasiaallu pilersorneqarnerannut erngup nukinganik
nukissiorfinnik taakkununngalu atatillugu atortunik sanaartornermut, anigaasalersuinermit
ingerlatsinermullu killiliussatut atugassarititaasut pillugit Inatsisartut inatsisaat nr. 22, 1.
december 2021-meersumi tulliuttut allanngortinneqassapput:

1. § 5 imm.2 imatut oqaasertalerneqassaaq:

” Imm. 2. Naalakkersuisut taarsigassarsiatut aningaasaliissutissanut imm. 1 naapertorlugu
Nukissiorfinnut imaluunniit Namminersorlutik Oqartussat suliffeqarfiutaannut
taarsigassarsitseqqissinnaapput sanaartukkanut aningaasaliissutitut una inatsit
naapertorlugu.”

2. § 6 imatut oqaasertalerneqassaaq:

” § 6. Naalakkersuisut aalajangersinnaavaat, suliassat §§ 2-4-mi ilaatinneqartut
anigaasartuutillu taakkununnga attuumassuteqartut tamakkiisumik ilaannakortumilluunniit
Namminersorlutik Oqartussat suliffeqarfiutaannut tunniunneqassasut.

Imm. 2. Aningaasaliisinnaatitaanermut malittarisassat atuuttut naapertorlugit
Namminersorlutik Oqartussat imm. 1 naapertorlugu ingerlatseqatigiiffimmi aktianut
anigaasaliinissamik taarsigassarsiallu akisussaaffiginissaannut Naalakkersuisut avataani
taarsigassarsititsisartunut pituttuisumik nalunaaruteqarsinnaapput.

Imm. 3. Naalakkersuisut pisinnaatinneqarput Namminersorlutik Oqartussat
aktieselskabiutaannut avataanit taarsigassarsititsisartunut qularnaveeqquusiinissamut.”

§ 2

Inatsisartut inatsisaat una atortuulissaaq ulloq 1. decembari 2022.

Namminersorlutik oqartussat, ulloq xx. xxx 2022

Naalakkersuisut Siulittaasuut